



Kolegji AAB
CILËSI. LIDERSHIP. SUKSES!

THIRRRJE PËR APLIKIM

GRANTE PËR PROJEKTE STUDENTORE

SEMESTRI VEROR 2024/2025



KOLEGJI AAB

ZYRA PËR ZHVILLIM TË PROJEKTEVE
projects@aab-edu.net

1. HYRJE

Me qëllim të fuqizimit të rolit të studentëve, shtimit të aktiviteteve jashtë kurrikulare si dhe pasurimit të jetës studentore, Zyra për Zhvillimin e Projekteve në kuadër të Kolegjit AAB, shpallë këtë thirrje për projekte studentore. Tematika kryesore e thirrjes për vitin akademik 2024/2025 është "Promovimi i Pages përmes Vullnetarizmit dhe Shërbimit në Komunitet", duke i dhënë peshë fuqizimit të marrëdhënieve pozitive, ndihmës ndaj njëri-tjetrit, dhe pjesëmarrjes në projekte sociale. Gjithësesi, thirrja lejon propozime edhe në tematika të tjera të cilat mund të përmirësojnë jetën dhe eksperiencën studentore.

2. OBJEKTIVAT E THIRRJES

Përmes projekteve studentore, aplikuesit duhet të synojnë të arrijnë së paku një nga objektivat e mëposhtme:

- O1: Të rrisë pjesëmarrjen e studentëve në aktivitete vullnetare, duke u përqëndruar veçanërisht në projekte që kanë për qëllim të ndihmojnë komunitetin.
- O2: Të ndihmojë në zhvillimin e njohurive dhe aftësive të studentëve që lidhen me shërbimin ndaj komunitetit.
- O3: Të promovojë ndërgjegjësimin rreth diversitetit dhe të ndihmojë në krijimin e një mjedisi të hapur dhe inkurajues për të gjithë studentët.
- O4: Të rrisë pjesëmarrjen aktive të studentëve në aktivitete jashtë-kurrikulare.
- O5: Të fuqizojë bashkëpunimin ndërmjet studentëve brenda dhe ndërmjet fakulteteve të ndryshme.
- O6: Të krijojë një kulturë gjithëpërfshirëse duke i ofruar studentëve mundësinë të bashkohen në klube të ndryshme që reflektojnë interesat e tyre.

Çdo projekt duhet të ketë një qëllim të qartë dhe të përshtatet me objektivat e thirrjes për aplikim. Me fokus në këto objektiva, Kolegji AAB shpreh gatishmërinë për të mbështetur dhe financuar projekte studentore që shërbejnë si burim frymëzimi dhe ndryshimi pozitiv në mjedisin studentor dhe komunitetin më gjerë.

3. AKTIVITETET E MUNDSHME

Disa nga aktivitetet e mundshme, janë por nuk limitohen në aktivitetet si në vijim:

- Organizimi i sesioneve informuese për të sensibilizuar studentët rreth rëndësisë së pjesëmarrjes aktive në komunitet dhe aktivitete jashtë-kurrikulare.
- Organizimi i fushatave ndërgjegjëse për rëndësinë e punës vullnetare
- Zhvillimi i seminareve dhe trajnimeve për aftësitë e shërbimit ndaj komunitetit.
- Organizimi i ngjarjeve kulturore për të promovuar diversitetin
- Organizim i debateve dhe ngjarjeve kulturore për të promovuar dialogun
- Organizimi i eventve sociale dhe aktiviteteve që inkurajojnë bashkëpunimin ndërmjet studentëve nga fakultetet e ndryshme
- Themelimi i klubeve tematike për të përfshirë studentët
- Vizita studimore etj.

4. APLIKUESIT

Të drejtë aplikimi kanë të gjithë studentët e Kolegjit AAB. Projekti duhet të ketë një student si udhëheqës të projektit dhe së paku 3 studentë si anëtarë. Studentët të cilët kualifikohen si kandidatë për marrjen e granteve financiare duhet të plotësojnë kriteret si në vijim:

- të jenë të regjistruar në njërën nga programet BA apo MA;
- të jenë të rregullt në ligjërata, që dëshmohet përmes sistemit SIS

5. MENTORI/JA E PROJEKTIT

Secili grup i studentëve duhet të sigurojë mbështetjen e një (1) profesori/eshe që do të shërbejë si Mentor/e përgjatë implementimit të projektit. Kostoja standarde e kompensimit të mentorëve për secilin projekt është 150 EUR. Përgjegjësitë kryesore të Mentorit/ës janë që të mbështesë studentët përgjatë implementimit të projektit përmes informatave, lehtësimit të qasjes në resurset e Kolegjit AAB, redaktimit të materialeve promovuese të projektit, apo çfarëdo lloj shërbimi tjetër në funksion të mbarëvajtjes së implementimit të projektit. Mentori/ja duhet të nënshkruaj Aneksin II: “Konfirmimi nga Mentori/ja” si dëshmi për gatishmërinë e tij/saj për të mentoruar grupin studentorë në implementimin e projektit.

6. KOHËZGJATJA DHE BUXHETI

Studentët do të kenë mundësi të aplikojnë për përkrahje për një periudhë maksimum 6 mujore. Buxheti maksimal i kërkuar për financim nga kjo thirrje për një grant nuk duhet të kalojë shumën 1.000 EUR, prej të cilave 150 EUR janë të përcaktuara si shpenzim standard për Mentorin/ën e projektit. Buxheti total në dispozicion për këtë thirrje është 3000 Euro. Kolegji AAB mban të drejtën që të mos e shfrytëzoj shumën totale në dispozicion, nëse vlerëson që aplikimet nuk plotësojnë kriteret e përcaktuara.

7. SHPENZIMET E PRANUESHME

Për t’u konsideruar të pranueshme, shpenzimet duhet t’i plotësojnë kriteret në vijim:

- janë të domosdoshme për arritjen e rezultateve të synuara në projekt;
- janë të arsyeshme dhe në linjë me propozimin narrativ;
- janë të kalkuluar saktë dhe janë të bazuara në çmimet e tregut;
- ndodhin gjatë zbatimit të grantit;
- janë të paraqitura në buxhetin e propozuar;
- nuk duhet të përfshinë paga apo mëditje për student.

8. DOKUMENTET E NEVOJSHME

Përveç Aneksit I –“Formulari i aplikimit dhe buxheti”, aplikantët (bartësi dhe studentët bashkë-aplikues) duhet të paraqesin edhe dokumentet e mëposhtme:

- Letërnjoftimi;
- Biografi e shkurtër (CV);
- Dëshmi se ai/ajo është i/e regjistruar në njërën nga programet BA apo MA.
- Aneksi II- “Konfirmimi nga Mentori/ja”

9. DORËZIMI I APLIKACIONEVE

Aplikantët duhet të dërgojnë aplikacionet e plotësuara më së largu deri më datë 31 mars 2025 përmes linkut: <https://forms.gle/W8T4NWdydBrcovTDA> Do të merren parasysh vetëm aplikacionet që përmbushin të gjitha kërkesat e thirrjes të specifikuara në udhëzuesin për aplikim dhe formularin e aplikimit.

10. VLERËSIMI

Aplikacionet e plota për sa i përket dokumentacionit të kërkuar, do vlerësohen nga ekipi për vlerësimin e granteve (EVG), i përbërë nga: një përfaqësues nga Rektorati, një përfaqësues nga Zyra për Projekte, dhe një përfaqësues nga Unioni i Studentëve. Ekipi do t'i vlerësojë aplikacionet në bazë të kriterëve si vijon:

Relevanca e projektit me objektivat e thirrjes	20 pikë
Lidhshmëria logjike e objektivave, aktiviteteve dhe rezultateve të pritura	20 pikë
Ndikimi i projektit tek studentët	20 pikë
Kapaciteti i aplikantit për të implementuar projektin	20 pikë
Efikasiteti i shpenzimeve në buxhetin e propozuar	20 pikë

11. DATA TË RËNDËSISHME

PROCESI	DATA TENTATIVE
Publikimi i thirrjes	13.03.2025
Sesioni Informues Online Linku: https://meet.google.com/kfs-jsni-wfo Koha: 10:00	18.03.2025
Trajnim dy-ditor për shkrimin e projekteve studentore Vendi: Kolegji AAB/Laboratori HOMODIGITALIS Koha: 09:00 - 14:00 Linku për regjistrim: https://forms.gle/sjPSfUvhPxkK1vtV8	19.03.2025 - 20.03.2025
Afati i fundit për kërkimin e sqarimeve	24.03.2025
Data e fundit për aplikim	31.03.2025